



ԼԵՎՈՆ ԽԱՏՅԱՆ

Քիչ է ասել, թե XX դարի երկրորդ կեսի Հայ գրականագիտությունը անհնար է պատկերացնել առանց էգվարդ Ջրբաչյանի: Նա այն գիտնականներից էր, որոնց հետազոտությունները վճռական նշանակություն ունեցան նորագույն շրջանի Հայ գրականագիտության զարգացման, թերևս, ավելի ճիշտ, այդ գիտության վերածնության համար:

50-ականներին, երբ սկսեցին տպագրվել Ջրբաչյանի աշխատությունները, Հայ գրականագիտության, առհասարակ գրական մտքի անգաստանը կարիք ուներ նոր մշակների. նրանով անցել էր գոեհիկ սոցիոլոգիզմի խորշակը, ծայրահեղորեն պարզունակացնելով և կոպտացնելով գրականության ու գրական երկերի ըմբռնումը: Ջրբաչյանի և նրա գրչակիցների ջանքերով մեր գրականագիտական և ողջ հասարակական միտքը վերակենդանացավ: Աստիճանաբար լուրջ գիտական հայացք մշակվեց Հայ գրականության պատմության վերաբերյալ: Այստեղ Ջրբաչյանի գերը շատ կարևոր էր: Հենց սկզբից նա իր ուժերը փորձեց երկու ասպարեզներում, որոնցով անցնում էր գրականագիտության զարգացման մայրուղին՝ գրականության պատմություն և տեսություն: Մերժվում և մի կողմ էին նետվում միտքը կաշկանդող սխեմաները: Այս ձգտումը որոշակիորեն զգացվում է Ջրբաչյանի 1955 թ. հրատարակած առաջին ծավալուն աշխատության մեջ, որը կոչվում էր «Պոեմի ժանրը սովետահայ գրականության մեջ (պատմություն և տեսություն)»:

Ջրբաշյանը չէր հրաժարվում գրականության և կյանքի կապի, սոցիալ-տնտեսական ֆորմացիաների և գրականության զարգացման փուլերի առնչությունների դրույթից: Հեղափոխական նկրտումները գիտության մեջ նրան խորթ էին: Բայց նա հեռանում էր գրականության մեջ ամեն ինչ սոցիոլոգիական գործոնների ազդեցությամբ բացատրելուց, ձգտում էր բացահայտել գրական երևույթների ինքնատիպությունը, նրանց գեղագիտական բնույթը:

Հետագայում, երբ նա ստեղծեց գրականության տեսության իր դասագիրքը, որը մինչև այսօր էլ մնում է հայերեն լավագույն ձեռնարկը գրականության տեսության վերաբերյալ, նա հմտորեն զուգակցեց դրականության սոցիալ-հասարակական պայմանավորվածության և նրա գեղագիտական բնույթի ու յուրահատկության դրույթները: Այս մոտեցումը տուրք չէր ժամանակի հերթական հովերին, այլ համոզմունք, որը պայմանավորեց Ջրբաշյանի հետազոտական աշխատանքը մինչև վերջ:

Առահասարակ Ջրբաշյանը այն մարդկանցից չէր, որոնք հակված են մոգայի փոփոխությունների հետ միասին փոխել իրենց հայացքները: Նա ուներ կուռ ու կայուն աշխարհայացք, որն անկասկած փոխվում էր, զարգանում, բայց իր հիմքերից ելնելով, իր ներքին օրենքներով:

Գրականության տեսությունը նրա համար պատահական հրայուրանք չէր: Սկիզբ առնելով դեռ վաղ երիտասարդության տարիներին, այն հետագայում ավելի ու ավելի խորացավ, ծնունդ տալով ոչ միայն բուհական ու դպրոցական դասադրքերի, գրականագիտական տերմինների բառարանի, այլև կոնկրետ հետազոտությունների ամենատարբեր բնագավառներում: Հարատև եղավ հատկապես նրա հետաքրքրությունը տաղաչափության հանդեպ: Գրեց մի շարք ուսումնասիրություններ հայոց տաղաչափական համակարգի մասին: Այս մարզում շատ հստակ արտահայտվեց Ջրբաշյանի իբրև գիտնականի մի կարևորագույն գիծը: Իր աշխատություններով նա վիճում էր Մանուկ Աբեղյանի հետ: Աբեղյանը մեր տաղաչափությունը համարում էր վանկա-շեշտական. Ջրբաշյանը ցույց տվեց, որ մեր լեզվի համակարգի բերումով հայկական տաղաչափությունը գերազանցապես վանկական կարող է լինել և այդպիսին է: Բայց հեռակա վեճը Աբեղյանի հետ վարվում էր պահպանելով խորին հարգանքը մեծ հայագետի ժառանգության հանդեպ: Ջրբաշյանը շատ լավ հասկանում էր հայ գրականագիտության մեջ իր արածի արժեքը. բայց նա երբեք չունեցավ իր անձը գերազանահատելու հիվանդագին հակումը:

Նրա նախընտրած երկրորդ բնագավառը հայ նոր գրականության պատմությունն էր, հատկապես այդ պատմության մի հարստագույն շրջանը՝ XX դարի սկիզբը: Շատ ուշագրավ են նրա հետազոտությունները Ղևոնդ Ալիշանի, Միքայել Նալբանդյանի, Միսաք Մեծարենցի, Ռուբեն Սևակի, Ավետիք Իսահակյանի մասին: Նա սիրահարված էր Վահան Տերյանի պոեզիային, անգիր գիտեր նրա գրեթե բոլոր բանաստեղծությունները,

և Տերյանին նվիրված հոդվածներն ու ուսումնասիրությունները (բուրժուազիան վերջերս նա հրատարակեց Տերյանի տաղաչափությունը նվիրված իր գիրքը) Զրբաշյանի ժառանգություն մեջ կարևոր տեղ են գրավում: Շատ արժեքավոր էր Տերյանի բանաստեղծությունների լիակատար ժողովածուն, որը հրատարակվեց բանաստեղծի ծննդյան 100-ամյակի առթիվ. ժողովածուն կազմել, խմբագրել, առաջաբանը գրել էր էդվարդ Զրբաշյանը: Այգ գիրքը մի շարք առումներով ակադեմիական հրատարակության արժեք ունի, և եթե ապագայում հնարավոր լինի տպագրել Տերյանի երկերի ակադեմիական ժողովածուն, Զրբաշյանի արածը անկասկած կլինի այդ հրատարակության հիմքում:

Բայց, անկասկած, Զրբաշյան հետադոտողի գլխավոր սերը Հովհաննես Թումանյանի ստեղծագործությունն էր: 1965-ին հրատարակվեց նրա մենագրությունը՝ «Թումանյանի պոեմները»: Այս գիրքը շատ ծանրակշիռ ներդրում եղավ Թումանյանագիտության մեջ: Նախ, տեսաբանն ու պատմաբանը այս ուսումնասիրության մեջ շատ ներդաշնակորեն լրացնում էին միմյանց. Զրբաշյանը խորապես ուսումնասիրել էր ոչ միայն Հայ պոեմի պատմությունը, այլև այդ ժանրի դրսևորումները եվրոպական գրականության մեջ և պոեմի տեսության խնդիրները: Ահա թե ինչու նա կարողացավ Թումանյանի պոեմները քննել ազգային ու եվրոպական լայն ֆոնի վրա, բացահայտելով Թումանյանի անկրկնելի ինքնատիպությունը: Այս աշխատությունում Զրբաշյանը ավերիչ հարված հասցրեց Թումանյանի ստեղծագործության սոցիոլոգիական դոգմակցման ավանդույթին, ցույց տալով, որ Թումանյանը ոչ թե «նահապետական հետամնացություն» է քննադատում, ինչպես տասնամյակներ շարունակ ասվել էր, այլ դնում է մարդու էությունը գլխավորապես հարցերը: Շատ ուշագրավ, այսօր էլ իրենց արժեքը պահպանող գիտողություններ է անում Զրբաշյանը Թումանյանի պոետիկայի մասին:

«Թումանյանի պոեմներին» հաջորդեցին «Թումանյանի բալլադները», «Թումանյանի արձակը» և այլ մենագրություններ, որոնք հետագայում կազմեցին Թումանյանի ստեղծագործությանը նվիրված նոր գիրքը: Վերջին ծավալուն աշխատությունը Թումանյանի մասին, որ տպագրեց Զրբաշյանը, նվիրված էր Թումանյանի և Հայ գրականության առնչություններին:

Զրբաշյանը մասնագետ էր, պրոֆեսիոնալ բառիս ամենաճշգրիտ իմաստով: Դա նշանակում է, որ համակողմանիորեն գիտեր իր առարկան, առաջին հերթին՝ Հայ նոր գրականության պատմությունը: Պատահական չէր, որ նա ամենակտիվ մասնակցություն ունեցավ Հայ նոր գրականության հինգհատորյա պատմության ստեղծմանը: Մեծ էր նրա ներդրումը հատկապես վերջին հինգերորդ հատորում, որի ծավալի մեկ երրորդը (ավելի քան երեք հարյուր մեծագիր էջ) պատկանում էր նրա գրչին: Բայց Զրբաշյանը լավ պատկերացնում էր նաև Հայոց հին և միջնադարյան գրա-

կանության պատմութիւնը, իսկ նորագույն շրջանի մասին գրել է ուշագրավ Հետազոտութիւններ (Ջարենցի, Բակունցի և ուրիշների ստեղծագործութեանը նվիրված): Նրա այս բարձր պրոֆեսիոնալիզմը նրան դարձրեց նաև գրականագիտութեան անգերազանցելի կազմակերպիչ: Երկու տասնամյակից ավել ղեկավարելով ակադեմիայի գրականութեան ինստիտուտը, նա Հմտորեն ուղղութիւն էր տալիս բոլոր բաժինների աշխատանքին, լավ հասկանալով մեր գրականութեան պատմութեան բոլոր փուլերի գլխավոր առանձնահատկութիւնները: Պատահական չէր նաև, որ Հենց նա կազմակերպեց գրականագիտական երկու նոր մարմին՝ գրականութեան տեսութեան և գեղագիտութեան ամբիոնը համալսարանում և գրականութեան տեսութեան բաժինը գրականութեան ինստիտուտում և երկար տարիներ ղեկավարեց գրանք:

Առհասարակ Ջրբաշյանը իրեն պատասխանատու էր զգում Հայ գրականութեան, գրականագիտութեան Հետ կապված ամեն ինչի համար: Ինքը ոչ միայն տարբեր տարիներ խմբագրել է մի շարք գրական և գիտական պարբերականներ («Սովետական գրականութիւն», «Երևանի պետական համալսարանի բանբեր»), այլև ամենակտիվ մասնակցութիւն է ունեցել այդ պարբերականների աշխատանքին: Բարձր էր գնահատում «Պատմա-բանասիրական հանգեսի» դերը, երկար տարիներ նրա խմբագրական մարմնի անդամն էր և ամենակտիվ Հեղինակներից մեկը. բազմաթիվ առաջնակարգ աշխատութիւններ տպագրել է այդ հանդեսում:

Էդվարդ Ջրբաշյանը շատ բան հասցրեց անել իր գիտական գործունեութեան ընթացքում՝ և՛ իբրև Հետազոտող, և՛ իբրև կազմակերպիչ (չմոռանանք նրա տասնամյակների դասախոսական աշխատանքը Երևանի պետական համալսարանում, որը խոր հետք թողեց բանասիրական կրթութեան մեջ): Այդ բոլորը նա կարողացավ անել բնութիւնից առատորեն օժտված լինելու և մտքի խստադուր կարգապահութեան շնորհիվ: Բայց, թերևս, ամենակարևորը նրա իսկապես անմնացորդ նվիրվածութիւնն էր Հայ դրականութեանն ու Հայ մշակույթին: Նրա աշխատութիւնների գիտական ոճի ետևում հասկացողը չէր կարող չնկատել այն սերը Հայ գրականութեան հանդեպ, որ տարիների ընթացքում չպակասեց նրա մեջ: Այս մարդը իրականում շատ քնարական հոգի ուներ. և առանց դրա ինչպես կարող էին ստեղծվել նրա փայլուն աշխատութիւնները Հայ դրականութեան մասին...

Եվ շատ արդար կլինի նրա հիշատակին նվիրված այս համառոտ խոսքը ավարտել թումանյանի՝ նրան և մեզ բոլորիս հարազատ երկտողով՝

Երմեկ Արամ, ով իր գործով
Կապրի աճվերջ, աճդադար...

Բանասիր. գիտ. դոկտոր
Ա. Կ. ԵՂԻԱՋԱՅԱՆ